

## Svjetski dan voda – 22. mart

03 April 2013

Udruženje za zaštitu okoline Zeleni Neretva iz Konjica je ove godine obilježilo Svjetski dan voda prigodnom video projekcijom, a koja je održana 22. marta u amfiteatru Srednje škole u Konjicu. Projekciji su prisustvovali učenici Srednje škole iz Konjica. Kao i prethodnih godina, tokom proljetnog perioda, udruženje provodi ekološko- edukativne aktivnosti koje realizira u saradnji sa školama na području općine Konjic. Kroz sve ove aktivnosti krajnji cilj Udruženja jeste podizanje svijesti, posebno kod mladih ljudi, kako o zaštiti voda čiji smo dan obilježili, tako i prirode i okoliša.

Svjetski dan voda, 22. mart, ove je godine posvećen saradnji na području zaštite voda jer je općina Skupština Ujedinjenih naroda 2013. proglasila međunarodnom godinom saradnje na području voda. Rezolucija o obilježavanju 22. marta kao Svjetskog dana voda usvojena je 1992. godine u Rio de Janeiro-u, a sam dan je prvi put obilježen 1993. godine.

Od 2000 do 5000 litara vode je potrebno za proizvodnju dnevne količine hrane za jednog čovjeka. Između 1000 i 3000 litara vode troši se za vađenje samo jedan kilogram riže, a od 13.000 do 15.000 litara vode se koristi za dobivanje kilograma govedine. Dva miliona tona ljudskog smeća se odlaže direktno u pitku vodu svaki dan. U zemljama u razvoju, čak 70% industrijskog otpada se ulijeva direktno u vodotoke i tako zagađuje vodu. Svake godine hiljada djece, mlađe od pet godina, svakog dana umire od bolesti prouzrokovanih zagađenom vodom, a više od pet miliona ljudi godišnje. To je deset puta više nego broj poginulih u svim ratovima godišnje na svijetu. Ovo je samo jedan mali dio brojki koje ilustruju naš odnos prema ovom blagu prirode.

Voda je materija i matrica, majka i medij za život na planeti Zemlji. Nema života bez vode. (Albert Szent-Gyorgyi), zato brinite o svom životu, brinite o blagu koje imamo, a zove se voda!